

Collected By: MyMahbub.Com

সূচীপত্র • চক্রবাক

- ১। তোমারে পড়িছে মনে
- ২। বাদল-রাতের পাখী
- ৩। স্তব্ধ রাতে
- ৪। বাতায়ন-পাশে গুবাক-তরুর সারি
- ৫। কর্ণফুলী
- ৬। শীতের সিঁদু
- ৭। পথচারী
- ৮। মিলন-মোহানায়
- ৯। গানের আড়াল
- ১০। তুমি মোরে ভুলিয়াছ
- ১১। হিংসাতুর
- ১২। বর্ষা-বিদায়
- ১৩। সাজিয়াছি বর মৃত্যুর উৎসবে
- ১৪। অপরাধ শুধু মনে থাক
- ১৫। আড়াল
- ১৬। নদীপারের মেয়ে
- ১৭। ১৪০০ সাল
- ১৮। চক্রবাক
- ১৯। কুহেলিকা

তোমারে পড়িছে মনে

তোমারে পড়িছে মনে
আজি নীপ-বালিকার ভীর্ণ-শিহরণে,
যুধিকার অশ্রুসিক্ত ছলছল মুখে
কেতকী-বধূর অবগুষ্ঠিত ও বুকে—
তোমারে পড়িছে মনে ।
হয়ত তেমনি আজি দূর বাতায়নে
ঝিলিমিলি-তলে
স্নান লুলিত অঙ্গলে
চাহিয়া বসিয়া আছ একা,
বারে বারে মুছে যায় আঁখি-জল-লেখা ।
বারে বারে নিভে যায় শিয়রের বাতি,
তুমি জাগ, জাগে সাথে বরষার রাতি ।

সিক্ত-পঙ্ক পাখী
তোমার চাপার ডালে বসিয়া একাকী
হয়ত তেমনি করি' ডাকিছে সাথীরে,
তুমি চাহি' আছ শুধু দূর শৈল-শিরে ।।
তোমার আঁখির ঘন নীলাঞ্জন-ছায়া
গগনে গগনে আজ ধরিয়াছে কায়া ।...

আমি হেথা রচি' নব নীপ-মালা—
স্বরণ পারের প্রিয়া, একান্তে নিরালা
অকারণে !—জানি আমি জানি
তোমারে পাব না আমি । এই গান এই মালাখানি
রহিবে তাদেরি কণ্ঠে—যাহাদেরে কভু
চাহি নাই, কুসুমে কাঁটার মত জড়ায়ে রহিল যারা তবু ।
বহে আজি দিশাহারা শ্রাবণের অশান্ত পবন,
তারি মত ছুটে ফেরে দিকে দিকে উচাটন মন,
খুঁজে যায় মোর গীত-সুর
কোথা কোন্ বাতায়নে বসি' তুমি বিরহ-বিধুর ।
তোমার গগনে নেভে বারে বারে বিজলীর দীপ,
আমার অঙ্গনে হেথা বিকশিয়া ঝরে যায় নীপ ।
তোমার গগনে ঝরে ধারা অবিরল,
আমার নয়নে হেথা জল নাই, বুকে ব্যথা করে টলমল ।

আমার বেদনা আজি রূপ ধরি' শত গীত-সুরে
নিখিল বিরহী-কণ্ঠে—বিরহিণী—তব তরে হুরে !
এ-পারে ও-পারে মোরা, নাই নাই কূল !
তুমি নাও আঁখি-জল, আমি দিই ফুল !

বাদল-রাতের পাখী

বাদল-রাতের পাখী !

কবে পোহায়েছে বাদলের রাত, তবে কেন থাকি' থাকি'
কাদিছ আজিও "বউ কথা কও" শেফালির বনে একা,
শাওনে যাহারে পেলে না, তা'রে কি ভাদরে পাইবে দেখা ?
তুমি কাদিয়াছ "বউ কথা কও" সে-কাদনে তব সাথে
ভাঙিয়া পড়েছে আকাশের মেঘ গহীন শাওন-রাত।

বন্ধু, বরষা-রাত
কেন্দেছে যে সাথে সে ছিল কেবল বর্ষা-রাতের সাথী !

আকাশের জল-ভারাতুর অঁখি হাসি-উজ্জ্বল ;
তেরছ-চাহনি যাদু হানে আজ, তাবে তনু ঢল ঢল !
কমল-নীষিতে কমল-মুখীরা অধরে হিঙুল মাখে,
আলুতাগু বেশ—ভ্রমরে সোহাগে পর্ণ-আঁচলে ঢাকে ।
শিউলি-তলায় কুড়াইতে ফুল আজিকে কিশোরী মেয়ে
অকারণ লাজে চমকিয়া ওঠে আপনার পানে চেয়ে ।
শালুকের কুড়ি গুঁজিছে খোঁপায় আবেগে বিধুরা বধু
মুকুলি' পুষ্প-কুমারীর ঠোঁটে ভরে পুষ্পল মধু ।

আজি আনন্দ-দিনে

পাবে কি বন্ধু বধূরে তোমার, হাসি দেখে লবে চিনে' ?
সরসীর তীরে আশ্রয় বনে আজো যবে ওঠ ডাকি,
বাতায়নে কেহ বলে কি, "কে তুমি বাদল-রাতের পাখী !"
আজো বিন্দ্র জাগে কি সে রাত তব বন্ধুর লাগি' ?
যদি সে ঘুমায়—তব গান শুনি' চকিতে ওঠে কি জাগি' ?

ভিন্-দেশী পাখী ? আজিও স্বপন ভাঙিল না হায় তব,
তাহার আকাশে আজ মেঘ নাই—উঠিয়াছে চাঁদ নব !
ভ'রেছে শূন্য উপবন তার আজি নব নব ফুলে,
সে কি ফিরে চায় বাজিতেছে হায় বাঁশী যার নদীকূলে ?
বাদল-রাতের পাখী !
উড়ে চল—যথা আজো ঝরে জল, নাকি ক' ফুলের ফাঁকি !

স্তব্ধ রাত

থেমে আসে রজনীর গীত-কোলাহল,
ওরে ঘোর সাথী আঁখি-জল,

এইবার তুই নেমে আয়—
অতন্দ্র এ নয়ন-পাতায় !

আকাশে শিশির ঝরে, বনে ঝরে ফুল,
রূপের পালঙ্ক বেয়ে ঝরে এলোচুল;
কোন গ্রহে কে জড়িয়ে ধরিতে প্রিয়ায়,
উদ্ধার মানিক ছিড়ে ঝরে' পড়ে' যায় ।

আঁখি-জল তুই নেমে' আয়—
বুক ছেড়ে' নয়ন-পাতায় !..

ওরে সুখবাদী !

অশ্রুতে পেলিনে যারে, হাসিতে পাখি কি তার আদি ?
আপনারে কতকাল দিবি আর ফাঁকি ?
অন্তহীন শূন্যতারে কত আর রাখিবি রে কুয়াশায় ঢাকি' ?
ভিষারী সাজিলি যদি, কেন তবে ঘারে
এসে এসে ফিরে যাস নিতি অন্ধকারে ?
পথ হ'তে আন্-পথে কেন্দে যাস ল'য়ে ভিক্ষা-ঝুলি,
প্রসাদ ঘাতিস্ যার তারেই রহিলি শুধু ভুলি' ?

সকলে জানিবে তোর ব্যথা,
শুধু সে-ই জানিবে না কাঁটা- ভরা ক্ষত তোর কোথা ।
ওরে ভীষ্ম, ওরে অভিমানী ।
যাহারে সকল দিবি, তা'রে তুই দিলি শুধু বাণী ?
সূরের সুরায় যেতে' কতটুকু কমিল রে মর্মদাহ তোর ?
গানের গহীনে ডুবে' কতদিন লুকাইবি এই আঁখি-লোর ?
কেবলি গাঁথিলি মালা, কার তরে কেহ নাহি জানে !
অকূলে ভাসায়ে দিস, ভেসে যায় মালা শূন্য পানে ।

* সে-ই শুধু জানিল না, যার তরে এত মালা গাঁথা,
জলে-ভরা আঁখি তোর, ঘূমে-ভরা তার আঁখি-পাতা ।
কে জানে কাটিবে কি না আজিকার অন্ধ এ নিশীথ,
হয়ত হবে না গাওয়া কা'ল তোর আধ-গাওয়া গীত,

হয়ত হবে না বলা, বাণীর বহুদে যাহা ফোটে নিশিদিন !
সময় ফুরায় যায়—ঘনায় আসিল সন্ধ্যা কুহেলি-মলিন।

সময় ফুরায় যায়, চল এবে, বল আঁখি ছুলি—
ওগো প্রিয়, আমি যাই, এই লহ মোর ডিঙ্কা-ঝুলি।
ফিরেছি সকল ঘরে, শুধু তব ঠাই
ডিঙ্কা-পাত্রে লয়ে' করে কড়ু আসি নাই।

ডরেছে ডিঙ্কার ঝুলি মানিকে মণিতে,
ভরে নাই চিত্ত মোর ! তাই শূন্য চিত্তে
এসেছি বিবাগী আজি, ওগো রাজ-রাণী,
চাহিতে আসিনি কিছু! সন্ধ্যাে অঞ্চল মুখে দিও না ক' টানি'।
জানাতে এসেছি শুধু—অন্তর-আসনে
সব ঠাই ছেড়ে' দিয়ে—যাহারে গোপনে
চ'লে গেছি বন-পথে একদা একাকী,
বুক-ভরা কথা লয়ে—জল-ভরা আঁখি।
চাহিনি ক' হাত পেতে তারে কোনোদিন,
বিলায়ে দিয়েছি তারে সব, ফিরে' পেতে দিইনি ক' ঋণ!

ওগো উদাসিনী,
তব সাথে নাহি চলে হাটে বিকিকিনি।
কারো প্রেম ঘরে টানে, কেহ অবহেলে
ভিখারী করিয়া দেয় বহু দূরে ঠেলে'!
জানিতে আসিনি আমি, নিমেষের ভুলে
কখনো বসেছ কি না সেই নদী-কূলে,
যার ভাটি-টানে—
ভেসে যায় তরী মোর দূর শূন্য-পানে।
চাহি না ত কোনো কিছু, তবু কেন রয়ে' রয়ে' ব্যথা করে বুক
সুখ ফিরি ক'রে ফিরি, তবু নাহি সহ্য যায়
আজি আর এ-দুখের সুখ ।...

আপনারে ছলিয়াছি, তোমারে ছলিনি কোনোদিন,
আমি যাই, তোমারে আমার ব্যথা দিয়ে গেলু ঋণ।

বাতায়ন-পাশে গুবাক-তরুণ সারি

বিদায়, হে মোর বাতায়ন-পাশে নিশীথ জাগার সাথী।
ওগো বন্ধুরা, পাথুর হয়ে এল বিদায়ের রাত্তি!
আজ হতে হ'ল বন্ধ আমার জানালার ফিলিমিলি,
আজ হতে হ'ল বন্ধ মোদের আলাপন নিদ্রিবিলি ।...

অন্ত-আকাশ-অলিন্দে তার শীর্ণ কপোল রাখি'
কাঁদিতেছে চাঁদ, "মুসাফির জাগো, নিশি আর নাই বাকী।"
নিশীথিনী যায় দূর বন-ছায়, ভ্রমায় চুলুচুলু,
ফিরে ফিরে চায়, দু'হাতে জড়ায় আঁধারের এলোচুল।—
চমকিয়া জাগি, ললাটে আমার কাহার নিশাস লাগে?
কে করে বীজন তন্তু ললাটে, কে মোর শিয়রে জাগে?
জেগে দেখি, মোর বাতায়ন-পাশে জাগিছ স্বপনচারী
নিশীথ রাতের বন্ধু আমার গুবাক-তরুণ সারি।

তোমাদের আর আমার আঁখির পল্লব-কম্পনে।
সারা রাত্ত মোরা করেছে যে কথা, বন্ধু, পড়িছে মনে!—
জাগিয়া একাকী জ্বালা ক'রে আঁখি আসিত যখন জল,
তোমাদের পাতা মনে হ'ত যেন সুশীতল করতল
আমার প্রিয়র!—তোমার শাখার পল্লব-মর্মর
মনে হ'ত যেন তারি কণ্ঠের আবেদন সকাতির।
তোমার পাতায় দেখেছি তাহারি আঁখির কাজল-লেখা,
তোমার দেহেরই মতন দীঘল তাহার দেহের রেখা।
তব কিব্ব কিব্ব মিব্ব মিব্ব যেন তারি কুণ্ঠিত বাণী,
তোমার শাখার ঝুলানো তারি শাড়ীর আঁচলখানি।

—তোমার পাখার হাওয়া
তারি অঙ্গুলি-পরশের মত নিবিড় আদর-ছাওয়া!

ভাবিতে ভাবিতে ঢুলিয়া পড়েছি ঘুমের শ্রান্ত কোলে,
ঘুমায়ে স্বপন দেখেছি,—তোমারি সুশীল ঝালর দোলে
তেমনি আমার শিখানের পাশে। দেখেছি স্বপনে, তুমি
গোপনে আসিয়া গিয়াছ আমার তন্তু ললাটে চুমি'!

হয়ত স্বপনে বাড়ায়েছি হাত লইতে পরশখানি,
বাতায়নে ঠেকি' ফিরিয়া এসেছে, লইয়াছি লাজে টানি'।

বন্ধু, এখন রুদ্ধ করিতে হইবে সে বাতায়ন !
ডাকে পথ, হাঁকে যাত্রীরা, “কর বিদায়ের আয়োজন !”

—আজি বিদায়ের আগে

আমারে জানাতে তোমারে জানিতে কত কি যে সাধ জাগে !
মর্মের বাণী শুনি তব, শুধু মুখের ভাষায় কেন
জানিতে চায় ও বুকের ভাষারে লোভাত্মক মন হেন?
জানি—মুখে মুখে হবে না মোদের কৌনদিন জানাজানি,
বুকে বুকে শুধু বাজাইবে বীণা বেদনার বীণাপানি ।

হয়ত তোমারে দেখিয়াছি, তুমি যাহা নও তাই ক’রে,
ক্ষতি কি তোমার, যদি গো আমার তাতেই হৃদয় ভরে?
সুন্দর যদি করে গো তোমারে আমার আঁখির জল,
হারা-মোমতাজে লয়ে কারো প্রেম রচে যদি তাজম’ল,

—বল তাহে কার ক্ষতি ?

তোমারে লইয়া সাজাব না ঘর, সৃজিব অমরাবতী !...

হয়ত তোমার শাখায় কখনো, বসেনি আসিয়া পাখী
তোমার কুঞ্জে পত্রপুঞ্জে কোকিল ওঠেনি ডাকি’ ।
শূন্যের পানে তুলিয়া ধরিয়া পল্লব-আবেদন
জেগেছে নিশীথে জাগেনি ক’ সাথে খুলি’ কেহ বাতায়ন ।

—সব আগে আমি আসি’

তোমারে চাহিয়া জেগেছি নিশীথে, গিয়াছি গো ভালোবাসি !
তোমার পাতায় লিখিলাম আমি প্রথম প্রণয়-লেখা,
এইটুকু হোক সাক্ষ্য মোর, হোক বা না হোক দেখা !...

তোমাদের পানে চাহিয়া বন্ধু, আর আমি জাগিব না ।
কোলাহল করি’ সারা দিনমান কারো ধ্যান ভাঙিব না ।

—নিচল নিশ্চুপ

আপনার মনে পড়িব একাকী গন্ধবিধুর ধূপ ।—

শুধাইতে নাই, তবুও শুধাই আজিকে যাবার আগে—
এ পল্লব-জাফরি খুলিয়া তুমিও কি অনুরাগে

দেখেছ আমারে—দেখিয়াছি যবে আমি বাতায়ন খুলি’?
হাওয়ায় না মোর অনুরাগে তব পাতা উঠিয়াছে দুলি’ ।
তোমার পাতার হরিৎ আঁচলে চাঁদিনী ঘুমারে যবে,
মূর্ছিতা হবে সুখের আবেশে,—সে আলোর উৎসবে
মনে কি পড়িবে এই ক্ষণিকের অভিধির কথা আর?
তোমার নিশ্বাস শূন্য এ ঘরে করিবে কি হাহাকার?
চাঁদের আলোক বিশ্বাস কি গো লাগিবে সেদিন চোখে?
বড়খড়ি খুলি’ চেয়ে র’বে দূর অন্ত অলং-লোকে?—

—অথবা এমনি করি’

দাঁড়ায়ে রহিবে আপন ধ্যানে সারা দিনমান ভরি’?

মলিন মাটির বন্ধনে বাঁধা হয় অসহায় তরু,
পদতলে ধূলি, উর্ধ্বে তোমার শূন্য গগন-মরু ।
দিবসে পুড়িছ রৌদ্রের দাহে, নিশীথে ভিজিছ হিমে,
কাদিবারও নাই শক্তি, মৃত্যু-অফিসে পড়িছ বিমে!
তোমার দুঃখ তোমারেই যদি, বন্ধু, ব্যথা না হানে,
কি হবে রিক্ত চিত্ত ভরিয়া আমার ব্যথার দানে !...

* * *
ভুল করে’ কভু আসিলে স্বর্ণে অমনি তা যেয়ো ভুলি’ ।
যদি ভুল ক’রে কখনো এ মোর বাতায়ন যায় খুলি’,
বন্ধ করিয়া দিও পুনঃ ভায় !..... তোমার জাফরি-ফাঁকে
খুঁজো না তাহারে গগন-আঁধারে—মাটিতে পেলো না যাকে !

কর্ণফুলী

—ওগো ও কর্ণফুলী,

উজাড় করিয়া দিনু তব জলে আমার অশ্রুগুলি ।
যে লোনা জলের সিঁদু-সৈকতে নিতি আনাগোনা,
আমার অশ্রু লাগিবে না সখি তার চেয়ে বেশী লোনা!
তুমি শুধু জল কর টলমল; নাই তব প্রয়োজন
আমার দু’ফোটা অশ্রুজলের এ গোপন আবেদন ।
যুগ যুগ ধরি’ বাড়াইয়া বাহু তব দু’ধারের তীর
ধরিতে চাহিয়া পারেনি ধরিতে, তব জল-মঞ্জরী
বাজাইয়া তুমি ওগো গর্বিতা চলিয়াছ নিজ পথে।

কূলের মানুষ ভেসে গেল কত তব এ অকূল স্রোতে !
তব কূলে যারা নিতি রচে নীড় তা'রাই পেল না কূল,
দিশা কি তাহারা পাবে এ অতিথি দু'দিনের বুলবুল !

—বুঝি প্রিয় সব বুঝি

তবু তব চরে চখা কেঁদে মরে চখীরে তাহার খুঁজি' !

তুমি কি পদ্মা, হারানো গোমতী, ভুলে-যাওয়া ভাগীরথী—
তুমি কি আমার বকের তলার প্রেয়সী অশ্রুমাতি ?
দেশ দেশ ঘুরে' পেয়েছি কি দেখা মিলনের মোহনায়,
স্থলের অশ্রু নিশেষ হইয়া যথায় ফুরায়ে যায় ?
ওরে স্রোত তোর কোন্ পাহাড়ের হাড়-গলা আঁখি-জল ?
বজ্র বাহারে বিধিতে পারেনি, উড়াতে পারেনি ঝড়,
ভূমিকম্পে যে টলেনি, করেনি মহাকালের যে ডর,
সেই পাহাড়ের পাষাণের তলে ছিল এত অভিমান ?
এত কান্দে তবু শূকায় না তার চোখের জলের বান ?

তুই নারী, বুঝিবি না নদী পাষাণ নরের ক্রেশ,
নারী কান্দে—তার সে আঁখিজলের আছে একদিন শেষ !
পাষাণ ফাটিয়া যদি কোনোদিন জলের উৎস বহে,
সে জলের ধারা শাস্বত হয়ে রহে রে চির-বিরহে !
নারীর অশ্রু নয়নের শুধু ; পুরুষের আঁখি-জল
বাহিরায় গ'লে অন্তর হতে অন্তরতম তল !
আকাশের মত তোমাদের চোখে সহসা বাদল নেমে'
রৌদ্রের তাত ফুটে ওঠে সখি নিমেষে সে মেঘ থেমে' !

—ওগো ও কর্ণফুলী !

তোমার সলিলে পড়েছিল কবে কার কান-ফুল খুলি' ?
তোমার স্রোতের উজান ঠেলিয়া কোন্ তরুণী কে জানে,
“সাম্পান”-নায়ে ফিরেছিল তার দয়িতের সন্ধান ?
আনমনা তার খুলে গেল খোঁপা, কান-ফুল খেল খুলি',
সে ফুল যতনে পরিয়া কর্ণে হলে কি কর্ণফুলী ?

যে গিরি গলিয়া তুমি বও নদী, সেথা কি আজি ও রহি'
কান্দিছে বন্দী চিত্রকূটের যক্ষ চিরবিরহী ?

তব এত জল একি তার সেই মেঘদূত-গলা বানী ?
তুমি কি গো তার প্রিয়-বিরহের বিধুর স্বরণখানি ?
ঐ পাহাড়ে কি শিরীষের স্বরিয়া ফারেসের ফরহাদ,
সারা গিরি হ'ল শিরী-মুখ হায়, পাহাড় গলিল প্রেমে,
গলিল না শিরী ! সেই বেদনা কি নদী হয়ে এলে নেমে' ?
ঐ গিরি-শিরে মজ্জুন্ কি গো আজিও দিওয়ানা হয়ে
লায়লির লাগি' নিশিদিন লাগি' ফিরিতেছে রোয়ে রোয়ে ?
পাহাড়ের বুক বেয়ে সেই জল বাহতেছ তুমি কি গো ?—
দুঃস্বপ্নের বোজ-আসা তুমি শকুন্তলার মৃগ ?
মহাধোতা কি বসিয়াছে সেথা পুত্তরীকের ধ্যানে ?—
তুমি কি চলেছ তাহারি সে প্রেম নিরুদ্দেশের পানে ?—
যুগে যুগে আমি হারিয়ে প্রিয়ারে ধরণীর কূলে কূলে
কান্দিয়াছি যত, সে অশ্রু কি গো তোমাতে উঠেছে দুলে' ?

* * *
—ওগো চির-উদাসিনী !

তুমি শোনো শুধু তোমারি নিজের বকের রিগি রিগি ।
তব চোখে ভেসে আসিল যে ল'য়ে ভাঙা “সাম্পান”-তরী,
চাহনি তাহার মুখ-পানে তুমি

কখনো করুণা করি' !

জোয়ারে সিঁদ্ধ ঠেলে দেয় ফেলে তবু নিতি ডাটি-টানে
ফিরে ফিরে যাও মলিন বয়ানে সেই সিঁদ্ধুরই পানে !
বন্ধু-হৃদয় এমনি অবুখ কারো সে অধীন নয় !
যারে চায় শুধু তাহারেই চায়—নাহি মানে লাজ ডয় ।
বারে বারে যায় তারি দরজায়, বারে বারে ফিরে আসে !
যে আগুনে পু'ড়ে মরে পতঙ্গ—ঘোরে সে তাহারি পাশে ।

তব জলে আমি ডুবে মরি যদি, নহে তব অপরাধ,
তোমার সলিলে মরিব ডুবিয়া, আমারি সে চির-সাধ ।
আপনার জ্বালা মিটাতে এসেছি তোমার শীতল তলে,
তোমার বেদনা হানিতে আসিনি আমার চোখের জলে ।

অপরাধ শুধু হৃদয়ের সখি, অপরাধ কারো নয় !

ভুবিতে যে আসে ডোবে সে একাই, তটিনী তেমনি বয় !

* * *

সারিয়া এসেছি আমার জীবনে কূলে ছিল যত কাজ,
এসেছি তোমার শীতল নিতলে জুড়াইতে তাই আজ !
ডাকনি ক' তুমি, আপনার ডাকে আপনি এসেছি আমি
যে বুকের ডাক শুনেনি শয়নে স্বপনে দিবস-যামী ।
হয়ত আমারে লয়ে অন্যের আজও প্রয়োজন আছে,
মোর প্রয়োজন ফুরাইয়া গেছে চিরতরে মোর কাছে !
—সে কবে বাঁচিতে চায়,
জীবনের সব প্রয়োজন যার জীবনে ফুরায়ে যায় !

জীবন ভরিয়া মিটায়েছি শুধু অপরেরা প্রয়োজন,
সবার ধোঁরাক জোগায়ে নেহারি উপবাসী মোরই মন !
আপনার পানে ফিরে দেখি আজ—চলিয়া গেছে সময়,
যা, হারাবার তা হারাইয়া গেছে তাহা ফিরিবার নয় !
হারিয়েছি সব, বাকী আছি আমি, শুধু সেইটুকু লয়ে
বাঁচিতে পারি না, যত চলি পথে তত উঠি বোঝা হয়ে ।

বহিতে পারি না আর এই বোঝা, নামানু সে ভার হেথা ;
তোমার জলের লিখনে লিখিনু আমার গোপন ব্যথা !
ভয় নাই প্রিয়, নিমেষে মুছিয়া যাইবে এ জল-লেখা,
তুমি জল—হেথা দাগ কেটে কড় থাকে না কিছুরি রেখা !
আমার ব্যথায় শূকায় যাবে না তব জল কা'ল হ'তে,
ঘূর্ণ্যবর্ত জাগিবে না তব অগাধ গভীর স্রোতে ।
হয়ত ঈষৎ উঠিবে দুলিয়া, তারপর উদাসিনী,
বহিয়া চলিবে তব পথে তুমি বাজাইয়া কিঙ্কিনী !
শুধু লীলাভরে তেমনি হয়ত ভাঙিয়া চলিবে কূল,
তুমি র'বে, শুধু র'বে না ক' আর এ গানের বুলবুল ।
তুহার-হৃদয় অকল্পণা গুণো, বুঝিয়াছি আমি আজি—
দেওলিয়া হয়ে কেন তব তীরে কাদে “সাম্পান”-মাঝি ।

শীতের সিঁদু

জুলি নাই পুনঃ তাই আসিয়াছি ফিরে'
গুণো বন্ধু, গুণো প্রিয়, তব সেই তীরে !
কূল-হার্য কূলে তব নিমেষের লাগি'
খেলিতে আসিয়া হায় যে কবি বিবাগী
সকলি হারিয়ে গেল তব বালুচরে,—
ঝিনুক কুড়াতে এসে—গেল আঁখি ভ'রে
তব লোনা জল ল'য়ে—তব স্রোত-টানে
ভাসিয়া যে গেল দূর নিরুদ্দেশ পানে !
ফিরে সে এসেছে আজ বহু বর্ষ পরে,
চিনিতে পার কি বন্ধু মনে তা'রে পড়ে?

বর্ষার জোয়ারে যারে তব হিন্দোলায়
দোলাইয়া ফেলে দিলে দূরাশা-সীমায়
ফিরিয়া সে আসিয়াছে তব ভাটি-মুখে,
টানিয়া লবে কি আজ তা'রে তব বুক?

খেলিতে আসিনি বন্ধু, এসেছি এবার
দেখিতে তোমার রূপ বিরহ-বিধার ।

সে-বার আসিয়াছি নু হ'য়ে কুতূহলী,
বলিতে আসিয়া—দিনু আপনারে বলি ।
কৃপণের সম আজ আসিয়াছি ফিরে'
হারিয়েছি মণি যথা সেই সিঁদু-তীরে !
ফেরে না তা যা হারায়—মণি-হার্য ফণী
তব ফিরে ফিরে আসে ! বন্ধু গো, তেমনি
হয়ত এসেছি বৃথা চোরা বালুচরে !—
যে চিত্তা জুলিয়া—যায় নিভে চিরতরে,
পোড়া মানুষের মন সে মহাশ্মশানে
তব ঘুরে মরে কেন,—কেন যে কে জানে !
প্রভাতে ঢাকিয়া আসি' কবরের তলে
তারি লাগি' আধ-রাতে অভিসারে চলে

অবুঝ মানুষ, হায় !—ওগো উদাসীন,
সে বেদনা বুঝিবে না তুমি কোলোদিন !
হয়ত হারানো মণি ফিরে তা'রা পায়,
কিন্তু হায়, যে অভাগা হৃদয় হারায়
হারায় সে চিরতরে ! এ জনমে তা'র
দিশা নাহি মিলে, বন্ধু !—তুমি পারাবার,
পারাপার নাহি তব, তোমার অভলে
যা ডোবে তা চিরতরে ডোবে আঁখিজলে !
জানিলে সাঁতার, বন্ধু হইলে ডুবুরী,
করিতাম কবে তব বন্ধ হ'তে চুরি
রত্নহার ! কিন্তু হায়, জিনে শুধু মালা
কি হইবে বাড়াইয়া হৃদয়ের জ্বালা !
বন্ধু, তব রত্নহার মোর তরে নয়—
মালায় সহিত যদি না মেলে হৃদয় !

হে উদাসী বন্ধু মোর, চির আত্মজোলা,
আজ নাই বুকে তব বর্ষার হিন্দোলা !
শীতের কুহেলি-ঢাকা বিষণ্ণ বয়ানে
কিসের করুণা মাথা ! কূলের সিথানে
এলায়ে শিথিল দেহ আছ একা শুয়ে,
বিশীর্ণ কপোল বালু-উপাধানে ধুয়ে !
তোমার কলঙ্কী বঁধু চাঁদ ডুবে যায়
তেমনি উঠিয়া দূর গগন-সীমায়,
ছায়া এসে পড়ে তার তোমার মুকুরে,
কায়াহীন মায়াবীর মায়া বুকে পরে'
ফু'লে ফু'লে কূলে কূলে কাঁদ অভিমানে,
আছাড়ি' তরঙ্গ-বাহু ব্যর্থ শূন্য পানে !
যে কলঙ্কী নিশিদিন ধায় শূন্য পথে—
সে দেখে না, কোথা কোন্ বাতায়ন হ'তে,
কে তা'রে চাহিছে নিতি ! সে খুঁজে বেড়ায়
বুকের প্রিয়ারে ত্যজি' পথের প্রিয়ায় !

ভয় নাই বন্ধু ওগো, আসিনি জানিতে
অন্ত তব, পেতে ঠাই অন্তহীন চিতে !

চাঁদ না সে চিতা জ্বলে তব উপকূলে—
কি হবে জানিয়া মোর? কার চিত্তমূলে
কে কবে ডুবিয়া হায়, পাইয়াছে তল?
এক ভাগ ধল সেথা, তিন ভাগ জল?

এসেছি দেখিতে তা'রে সেদিন বর্ষায়
খেলিতে দেখেছি যারে উদ্দাম লীলায়
বিচিত্র তরঙ্গ-ভঙ্গে ! সেদিন শ্রাবণে
ছলছল জল-চুড়ি-বলয়-কঙ্কণে
শুনিয়াছি যে সঙ্গীত, যায় তালে তালে
নেচেছে বিজলী মেঘে, শিখী নীপ-ডালে !
যায় লোভে অতি দূর অন্তদেশ হ'তে
ছুটে এসেছিনু এই উদয়ের পথে !—

ওগো মোর লীলা-সাথী অতীত বর্ষার,
আজিকে শীতের রাতে নব অভিসার !
চ'লে গেছে আজি সেই বরষার মেঘ,
আকাশের চোখে নাই অশ্রুর উদ্বেগ,
গরজে না গুরু গুরু গগনে সে বাজ,
উড়ে গেছে দূর বনে মধুরীরা আজ,
রোয়ে রোয়ে বহে না ক' পূবালী বাতাস,
স্বপ্নে না ঝাউয়ের শাখে সেই দীর্ঘশ্বাস,
নাই সেই চেয়ে'-ধাকা বাতায়ন খুলি'
সেই পথে—মেঘ যথা যায় পথ জুলি' !
না মানিয়া কাজলের ছলনা নিষেধ
চোখ ছেপে জল ঝরা,—কপোলের স্বপ্ন
মুহিবর ছলে আঁখি-জল মোছা সেই,
নেই বন্ধু, আজি তার স্মৃতিও সে নেই !

ধর ধর কাঁপে আজ শীতের বাতাস,
সেদিন আশার ছিল যে দীর্ঘ-শ্বাস—
আজ তাহা নিরাশায় কেঁদে বলে, হায়,—

“ওরে মূঢ়, যে চায় সে চিরতরে যায়।
 যাহারে রাখিবি তুই অন্তরের তলে
 সে যদি হারায় কভু সাগরের জলে
 কে তাহারে ফিরে পায়? নাই, ওরে নাই,
 অকূলের কূলে তা’রে খুঁজিস্ বৃথাই!
 যে-ফুল ফোটেনি ওরে তোর উপবনে
 পূবালী হাওয়ার স্বাসে বরষা-কাদনে,
 সে ফুল ফুটিবে না রে আজ শীত-রাত্তে,
 দু’ফোঁটা শিশির আর অশ্রুজন-পাতে !”

আমার সান্ত্বনা নাই জানি বন্ধু জানি,
 শূন্যে এসেছি তবু—যদি কানাকানি
 হয় তব কূলে কূলে আমার সে ডাক!
 এ কূলে বিরহ-রাত্তে কাদে চক্রবাক,
 ও-কূলে শোনে কি তাহা চক্রবাকী তার?
 এ বিরহ একি শুধু বিরহ একর?

কুহেলি-গুষ্ঠন টানি’ শীতের নিশীথে
 ঘুমাও একাকী যবে, নিঃশব্দ সঙ্গীতে
 ভ’রে ওঠে দশ দিক, সে নিশীথে জাগি’
 ব্যথিয়া ওঠে-না বুক কভু কারো লাগি’?
 গুষ্ঠন খুলিয়া কভু সেই আধ-রাত্তে
 ফিরিয়া চাহ না তব কূলে কল্পনাতে?
 চাঁদ সে ত আকাশের, এই ধরা-কূলে
 যে চাহে তোমায় তারে চাহ না কি ভুলে?

তব তীরে অগস্ত্যের সম ল’য়ে তৃষা
 ব’সে আছি, চলে’ যায় কত দিবা-নিশা।
 যাহারে করিতে পারি চুমুকেতে পান
 তার পদতলে বসি’ গাহি শুধু গান।
 জানি বন্ধু, ধরার মৃৎপাত্রখানি
 ভগ্নিতে নারিল যাহা—তা’রে আমি আনি’
 ধরিব না এ অধরে! এ মম হিয়ার
 বিপুল শূন্যতা তাহে নহে ভরিবার!

আসিয়াছি কূলে আজ, কালা প্রাতে বু’রে
 কূল ছাড়ি চ’লে যাব দূরে বহু দূরে।

বল বন্ধু, বল, জয় বেদনার জয়।
 যে-বিরহে কূলে কূলে নাহি পরিচয়,
 কেবল অনন্ত জল অনন্ত বিচ্ছেদ,
 হৃদয় কেবলি হানে হৃদয়ে নিষেধ;
 যে-বিরহে গ্রহ-তারাত্মা শূন্য নিশি দিন
 ঘুরে মরে; গৃহবাসী হ’য়ে উদাসীন—
 উচ্চা-সম ছুটে যায় অসীমের পথে,
 ছোট নদী দিশাহারা গিরিচূড়া হ’তে;
 বারে বারে ফোটে ফুল কন্টক-শাখায়,
 বারে বারে ছিড়ে যায়, তবু না ফুরায়
 মালা-পাখা যে-বিরহে, যে-বিরহে জাগে
 চকোরী আকাশে আর কুমুদী তড়াগে;
 তব বুক লাগে নিতি জোয়ারের টান,
 যে-বিশ্ব পিইয়া কঠে ফুটে ওঠে গান—
 বন্ধু, তার জয় হোক! এই দুঃখ চাহি’
 হয়ত আসিব পুনঃ তব কূল বাহি’।
 হেরিব নতুন রূপে তোমারে আবার,
 গাহিব নতুন গান। নব অশ্রুহার
 গাঁথিব গোপনে বসি’। নয়নের ঝারি
 বোঝাই করিয়া দিব তব তীরে ডারি।
 হয়ত বসন্তে পুনঃ তব তীরে তীরে
 ফুটিবে মঞ্জরী নব শূক তরু-শিরে।
 আসিবে নূতন পাখী শুনাইতে গীতি,
 আসিব না শুধু একা তব এ অভিধি!

যে-দিন ও-বুকে তব শূকাইবে জল,
 নিদারুণ রৌদ্র-দাহে ধু ধু মরুতল
 পুড়িবে একাকী তুমি মরুদ্যান হ’য়ে
 আসিব সেদিন বন্ধু, মম প্রেম ল’য়ে!
 আঁখির দিগন্তে মোর কুহেলি ঘনায়,
 বিদায়ের বংশী বাজে, বন্ধু গো বিদায়!

পথচারী

কে জানে কোথায় চলিয়াছি ভাই মুসাফির পথচারী,
দু'ধারে দু'কূল দুঃখ-সুখের—মাঝি আমি শ্রোত-বারি !
আপনার বেগে আপনি ছুটেছি জন্ম-শিখর হ'তে
বিরাম-বিহীন রাত্রি ও দিন পথ হতে আন-পথে ।
নিজ বাস হ'ল চির-পরবাস, জন্মের ক্ষণপরে
বাহিরিনু পথে গিরি-পর্বতে—ফিরি নাই আর ঘরে।
পলাতকা শিশু জন্মিয়াছিনু গিরি-কন্যার কোলে,
বুকে না ধরিতে চকিতে ত্বরিতে আসিলাম ছুটে চ'লে ।

জননীয়ে জ্বলি' সে পথে পলায় যুগ-শিশু বাঁশী শূনি',
যে পথে পলায় শশকেরা শূনি' ঝর্ণার ঝনঝনি;
পাখী উড়ে' যায় ফেলিয়া কুলায় সীমাহীন নভোপানে,
সাগর ছাড়িয়া মেঘের শিশুরা পলায় আকাশ-যানে—
সেই পথ ধরি' পলাইনু আমি । সেই হ'তে ছুটে চলি
গিরি দরী মাঠ পল্লীর বাট সোজা বাঁকা শত গলি ।

— কোন গ্রহ হ'তে ছিড়ি'

উদ্ধার মত ছুটেছি বাহিয়া সৌর-লোকের সিঁড়ি।

আমি ছুটে' যাই জানি না কোথায়, ওরা মোর দুই তীরে
রচে নীড়, ভাবে উহাদেরি তরে এসেছি পাহাড় চিরে' ।
উহাদের বধু কলস ভরিয়া নিয়ে যায় মোর বারি,
আমার গহনে গাহন করিয়া বলে সন্তাপ-হারী ।
উহারা দেখিল কেবলি আমার সলিলের শীতলতা,
দেখে নাই জ্বলে কত চিতাগ্নি মোর কূলে কূলে কোথা।

— হায়, কত হতভাগী—

আমিই কি জানি— মরিল ডুবিয়া আমার পরশ মাগি'!
বাজিয়াছে মোর তটে-তটে জানি ঘটে-ঘটে কিঙ্কিণী,
জল-তরঙ্গে বেজেছে বধুর মধুর রিনিকি ঝিনি ।
বাজায়েছে বধু রাখাল-বালক তীর-ভরতলে বসি',
আমার সলিলে হেরিয়াছে মুখ দূর আকাশের শশী ।

জানি সব জানি ওরা ডাকে মোরে দু'তীরে বিছায়ে স্নেহ,
দীঘি হতে ডাকে পদ্মমুখীরা, 'বির হও বাঁধি' গেহ !

আমি বয়ে যাই— বয়ে যাই আমি কুলুকুলু কুলুকুলু,
শূনি না— কোথায় মোরই তীরে হায় পুরনারী দেয় উলু !
সদাগর-জাদী মণি-মাণিক্যে বোঝাই করিয়া তরী
ভাসে মোর জলে,— “ছল ছল” ব'লে আমি দূরে যাই সরি'।
আঁকড়িয়া ধরে' দু'তীর বুখাই জড়ায়ে তন্তুলতা;
ওরা দেখে নাই আবর্ত মোর, মোর অন্তর-ব্যথা ।

লুকাইয়া আসে গোপনে নিশীথে কূলে মোর অভাগিনী,
আমি বলি চল্ ছল্ ছল্ ছল্ ওরে বধু তোরে চিনি !
কূল ছেড়ে আয় রে অভিসারিকা, মরণ-অকূলে ডাসি !
তোর তীরে-তীরে আজো খুঁজে ফিরে তোরে ঘরছাড়া বাঁশী ।
সে পড়ে ঝাঁপায়ে জলে,
আমি পথে ধাই— সে কবে হারায় স্মৃতির বালুকা-তলে !

জানি না ক' হায় চলেছি: কোথায় অজানা আকর্ষণে,
চলেছি ষড়ই তত সে অথই বাড়ে জল খনে খনে ।
সংশুখ-টানে ধাই অবিরাম, নাই নাই অবসর,
ছুইতে হারাই—এই আছে নাই— এই ঘর এই পর !
ওরে চল্ চল্ ছল্ ছল্ কি হবে ফিরায়ে আঁখি?
তোরি তীরে ডাকে চক্রবাকেরে তোরি সে চক্রবাকী !

ওরা সন্ধ্যায় ঘরে ফিরে' যায় কূলের কুলায়-বাসী,
আঁচল ভরিয়া কুড়ায়ে আমার কাদায়-ছিটানো হাসি !
ওরা চ'লে যায়, আমি জাগি হায় লয়ে চিতাগ্নি শব,
ব্যথা-আবর্ত মোচড় খাইয়া বুকে করে কলরব !
ওরে বেনোজল, ছল্ ছল্ ছল্ ছুটে' চল্ ছুটে' চল্ !
হেথা কাদাজল পঙ্কিল তোরে করিতেছে অবিরল ।
কোথা পাবি হেথা লোনা আঁখিজল, চল্ চল্ পথচারী !
করে প্রতীক্ষা তোর তরে লোনা সাত-সমুদ্র বারি।

মিলন-মোহানায়

হায় হাবা মেয়ে, সব ভুলে গেলি দয়িতের কাছে এসে !
এত অভিমান এত ক্রন্দন সব গেল জলে ভেসে !
কূলে কূলে এত ফুলে ফুলে কাদা আছাড়ি' পিছাড়ি' তোর,
সব ভুলে' গেলি যেই বৃকে জেয়ে টেনে নিল মনোচোর !
সিঙ্গুর বৃকে লুকাইলি মুখ এমনি নিবিড় ক'রে,
এমনি করিয়া হারাইলি তুই আপনারে চিরতরে—
যে দিকে তাকাই নাই তুই নাই ! তোর বন্ধুর বাহু
গ্রাসিয়াছে তোরে বৃকের পাজরে—ক্ষুধাতুর কাল বাহ !

বিরহের কূলে অভিমান যার এমন ফেনায়ে উঠে,
মিলনের মুখে সে ফিরে এমনি পদতলে পড়ে লু'টে?
এমনি করিয়া ভাঙিয়া পড়ে কি বৃক-ভাঙা কান্নায়,
বৃকে বৃক রেখে নিবিড় বাঁধনে পিষে গুঁড়ো হয়ে যায়?
তোর বন্ধুর আঙুলের ছোঁওয়া এমনি কি যাদু জানে,
আবেশে গলিয়া অধর তুলিয়া ধরিলি অধর পানে!
একটি চুমায় মিটে গেল তোর সব সাধ সব ত্যাগ,
ছিন্ন শতার মতন মুরছি' পড়িলি হারিয়ে দিশা!
— একটি চুমায় লাগি'
এতদিন ধ'রে এত পথ বেয়ে এলি কি রে হতভাগী?

গাঙ-চিল আর সাগর-কপোত মাছ ধরিবার ছলে,
নিলাঞ্জী লো, তোর রঙ্গ দেবিতে বাঁপ দিয়ে পড়ে জলে।
দু'ধারের চর অবাধ হইয়া চেয়ে আছে তোর মুখে,
সবার সামনে লুকাইলি মুখ কেমনে ঝুঁক বৃকে?
নীলিম আকাশ ঝুঁকিয়া পড়িয়া মেঘ-গুপ্তন ফেলে'
বৌ-ঝির মত উঁকি দিয়ে দেখে কুতূহলী-আঁখি মেলে।
“সাম্পান”- মাঝি ঝুঁজে' ফেরে তোরে ভাটিয়ালী গানে কাঁদি',
ঝুঁজিয়া নাকাল দু'ধারের খাল— তার হেরেমের বাদি !

হায় ভিখারিণী মেয়ে,

ভুলিলি সবারে, ভুলিলি আপনা দয়িতের বৃকে পেয়ে !
তোরি মত নদী আমি নিরবধি কাঁদি রে প্রীতম লাগি' !
জন্ম-শিখর বাহিয়া চলেছি তাহারি মিলন মাগি' !

যার তরে কাঁদি— ধার ক'রে তারি জোয়ারের লোনা জল
তোর মত মোর জাগে না রে কভু সাধের কৌন-হল ।
আমার অশ্রু একাকী আমার, হয়ত পোপনে রাতে
কাঁদিয়া ভাসাই, ভেসে ভেসে যাই মিলনের মোহানাতে,
আসিয়া সেথায় পুনঃ ফিরে যাই ।— তোর মত সব ভুলে'
লুটায় পড়ি না— চাহে না যে মোরে তারি রাজ্য পদমূলে !
যারে চাই তা'রে কেবলি এড়াই কেবলি দি' তারে ফাঁকি;
সে যদি ভুলিয়া আঁখি পানে চায় ফিরাইয়া লই আঁখি!

—তার তীরে যবে আসি

অশ্রু-উৎসে পাষণ চাপিয়া অকারণে শুধু হাসি।
অভিमानে মোর আঁখিজল জমে করকা-বৃষ্টি সম,
যারে চাই তারে আঘাত হানিয়া ফিরে যায় নির্মম !

একা মোর প্রেম ছুটিবে কেবলি নীচু প্রান্তর বেয়ে,
সে কভু উর্ধ্বে আসিবে না উঠে আমার পরশ চেয়ে—
চাহি না তাহারে ! বৃকে চাপা থাক আমার বৃকের ব্যথা,
যে বৃক শূন্য নহে মোরে চাহি— হব না ক' ভার সেথা !
সে যদি না ভাকে কি হবে ডুবিয়া ও-গভীর কালো নীরে,
সে ইউক সুখী, আমি রচে যাই স্মৃতি-তাজ তার তীরে !
মোর বেদনার মুখে চাপিয়াছি নিতি যে পাষণ-ভার
তা দিলে রচিব পাষণ-দেউল সে পাষণ- দেবতার!

কত শ্রোতধারা হারাইছে কূল তার জলে নিরবধি,
আমি হারালাম বালুচরে তার, গোপন-ফল্গুনদী।

গানের আড়াল

তোমার কণ্ঠে রাখিয়া এসেছি মোর কণ্ঠের গান—
এইটুকু শুধু র'বে পরিচয়? আর সব অবসান?
অস্তর-তলে অস্তরতর যে ব্যথা লুকায়ে রয়,
গানের আড়ালে পাও নাই তার কোনদিন পরিচয়?
হয় তো কেবলি গাহিয়াছি গান, হয়ত কহিনি কথা,
গানের বাণী যে শুধু কি বিলাস, মিছে তার আকুলতা ?
হৃদয়ে কখন জাগিল জোয়ার, তাহারি প্রতিধ্বনি
কণ্ঠের তটে উঠেছে আমার অহরহ রণবাণি,—

উপকূলে বসে শুনেছ সে সুর, বোঝ নাই তার মানে ?
বৈধেনি হৃদয়ে সে সুর, দুলেছে দুল হয়ে শুধু কানে ?

হায়, ভেবে নাই পাই—

যে চাঁদ জাগালো সাগরে জোয়ার, সেই চাঁদই শোনে নাই
সাগরের সেই ফুলে ফুলে কাঁদা কূলে কূলে নিশিদিন ?
সুরের আড়ালে বৃহ্মা কাঁদে, শোনে নাই তাহা বীণ ?
আমার গানের মালার সুবাস ছুল না হৃদয়ে আসি ?
আমার বকের বাণী হ'ল শুধু তব কণ্ঠের ফাঁসি ?

বন্ধু গো যেয়ো ডূলে—

প্রভাতে যে হবে বাসি, সন্ধ্যায় রেখো না সে ফুল ডূলে !
উপবনে তব ফোটে যে গোলাপ—প্রভাতেই তুমি জানি
জানি, তার কাছে যাও শুধু তার গন্ধ-সুখমা লাগি !
যে কাটা-লতায় ফুটেছে সে-ফুল রক্তে ফটিয়া পড়ি,
সারা জনমের ক্রন্দন যার ফুটিয়াছে শাখা ভরি—
দেখ নাই তারে !—মিলন-মালার ফুল চাহিয়াছ তুমি,
তুমি খেপিয়াছ বাজাইয়া মোর বেদনার বুঝুনি !

ভেলো মোর গান, কি হবে লইয়া এইটুকু পরিচয়,
আমি শুধু তব কণ্ঠের হার, হৃদয়ের কেহ নয় !
জানায়ো আমারে, যদি আসে দিন, এইটুকু শুধু যাচি—
কণ্ঠ পারায়ে হয়েছি তোমার হৃদয়ের কাছাকাছি !

তুমি মোরে ভুলিয়াছ

হুমি মোরে ভুলিয়াছ তাই সত্য হোক !
সেদিন যে জুলেছিল দীপালি-আলোক
তোমার দেউল জুড়ি—ফুল তাহা ভুল !
সেদিন ফুটিয়াছিল ফুল ক'রে ফুল
তোমার অঙ্গনে, প্রিয় ! সেদিন সন্ধ্যায়
হু'লে পরেছিলে ফুল নোটন-খোপায় !

ফুল ক'রে তুলি' ফুল গাখি' বর-মালা
বেলাশেষে বারে বারে হয়েছ উভালি

হয়ত বা আর কারো লাগি !....আমি ডু'লে
নিরুদ্দেশ তরী মোর তব উপকূলে
না চাহিতে বেঁধেছিনু, গেয়েছিনু গান,
নীলাভ তোমার আঁখি হয়েছিল ম্লান
হয়ত বা অকারণে ! গোধূলি-বেলায়
হয়ত বা অকারণে মানিমা স্নান
তোমার ও-আঁখিতেলে ! হয়ত তোমার
পড়ে মনে, কবে যেন কোন্ লোকে কার
বধু ছিলে; তারি কথা শুধু মনে পড়ে !
—ফিরে যাও অতীতের লোকলোকান্তরে
এমনি সন্ধ্যায় বসি' একাকিনী গেহে !
দু'খানি আঁখির দীপ সুগভীর মেহে
জ্বলাইয়া থাক জাগি' তারি পথ চাহি !
সে যেন আসিছে দূর তারালোক বাহি'
পারাইয়া অসীমের অনন্ত জিজ্ঞাসা,
সে দেখেছে তব দীপ, ধরণীর বাসা !

তারি লাগি' থাক বসি' নব বেশ পরি'
শাস্ত্রত প্রতীক্ষমা অনন্ত সুন্দরী !
হায়, সেখা আমি কেন বাঁধিলাম তরী,
কেন গাহিলাম গান আপনা পাসরি' ?
হয়ত সে গান মম তোমার ব্যথায়
বেজেছিল । হয়ত বা লেগেছিল পায়
আমার তরীর ডেউ । দিয়েছিল ধু'য়ে
চরণ-অলক্ত তব । হয়ত বা ছুঁয়ে
গিয়েছিল কপালের আকুল কুণ্ডল
আমার বকের স্বাস । ও-মুখ-কমল
উঠেছিল রাঙা হয়ে' । পথের কেশর
ছুঁইলে দখিনা বায়, কাঁপে থরথর
যেমন কমল-দল ভঙ্গুর মৃণালে
সলাজ সন্ধ্যাে সুখে পল্লব-আড়ালে,
তেমনি ছোঁওয়ায় মোর শিহরি' শিহরি'
উঠেছিলে বারে বারে সারা দেহ ভরি' !

চেয়েছিলে আঁখি তুলি', ডেকেছিলে যেন
প্রিয় নাম ধরে মোর—তুমি জান, কেন !
তরী মম ভেসেছিল যে নয়ন-জলে
কূল ছাড়ি' নেমে এলে সেই সে অভলে ।
বলিলে,—“অজানা বন্ধু, তুমি কি গো সেই,
জ্বালি দীপ গাঁথি মালা যার আশাতেই
কূলে বসে একাকিনী যুগ যুগ ধরি’?
নেমে এসে বন্ধু মোর ঘাটে বাঁধ তরী !”

বিশ্বেরে রহিনু চাহি' ও-মুখের পানে
কী যেন রহস্য তুমি—কী যেন কে জানে —
কিছুই বুঝিতে নারি! আহ্বানে তোমার
কেন জাগে অভিমান, জোয়ার দুর্বার
আমার আঁখির এই গঙ্গা যমুনায়ে!—
নিরুদ্দেশ যাত্রী, হায়, আসিলি কোথায়?
একি তোর ধ্যানেনের সেই ষান্দুলোক;
কল্পনার ইন্দ্রপুরী? একি সেই চোখ
ঐক্যভাষা সম যাহা জ্বলে নিরন্তর
উর্ধ্বে তোর? সপ্তর্ষির অনন্ত বাসর?
কাব্যের অমরাবতী? একি সে ইন্দ্রিরা,
তোরি সে কবিতা-লক্ষ্মী?— বিরহ-অধীরা
একি সেই মহাশ্বেতা, চন্দ্রাঙ্গীড়-প্রিয়া?
উন্মাদ ফর্হাদ যারে পাহাড় কাটিয়া
সৃজিতে চাহিয়াছিল—একি সেই শিরী?
লায়লি এই কি সেই, আসিয়াছে ফিরি'
কায়েসের খোঁজে পুনঃ? কিছু নাহি জানি !
অসীম জিজ্ঞাসা শুধু করে কানাকানি
এপারে ও-পারে, হায় !.....' তুমি তুলি' আঁখি
কেবলি চাহিতেছিলে ! দিনান্তের পাখী
বনান্তে কাঁদিতেছিল—“কথা কও বউ !”
ফাণ্ডন খুরিতেছিল ফেলি' ফুল-মট !

কাহারে খুঁজিতেছিলে আমার এ চোখে
অবসান-গোধূলির মলিন আলোকে?

জিজ্ঞাসার, সন্দেহের শত আলো-ছায়া
ও-মুখে সৃজিতেছিল কী যেন কি মায়া!
কেবলি রহস্য হায়, রহস্য কেবল,
পার নাই সীমা নাই অগাধ অভল !
এ যেন স্বপনে-দেখা কবেকার মুখ,
এ যেন কেবলি সুখ কেবলি এ দুখ !
ইহারে দেখিতে হয়— ছোঁওয়া নাহি যায়
এ যেন মন্ডার-পুষ্প দেব-অলংকার !
ইহারি ফুলিল যেন হেরি রূপে রূপে,
নিশীথে এ দেখা দেয় যেন চুপে চুপে,
যখন সব্বারে ডুলি । ধরার বন্ধন
যখন ছিড়িতে চাহি, স্বর্গের স্বপন
কেবলি ভুলাতে চায়, এই সে আসিয়া
রূপে রূপে গন্ধে গানে কাঁদিয়া হাসিয়া
আঁকড়ি' ধরিতে চাহে,—মাটির মমতা!
পরান-পোড়ানী শুধু, জ্বলে না ক' কথা!
বুকে এর ভাষা নাই, চোখে নাই জল,
নির্বাক ইঙ্গিত শুধু শান্ত অচপল ।
এ বুঝি গো ভাস্করের পায়াল-মানসী
সুন্দর, কঠিন, শক্ত । ভোরের উষসী,
দিনের আলোর তাপ সহিতে না জানে ।
মাঠের উদাসী সুর বাঁশরীর ভানে,
বাণী নাই, শুধু সুর, শুধু আকুলতা,
ভাষাহীন আবেদন দেহ-ভরা কথা
এ যেন চেনার সাথে অচেনার মিশা,—
যত দেখি তত হায় বাড়ে শুধু ত্যা ।

আসিয়া বসিলে কাছে তত্ত্ব মুক্তানন,
মনে হ'ল—আমি দীঘি তুমি পল্লবন ।
পূর্ণ হইলাম ত্যজি, হয় হোক জ্বল,
যত কাঁটা তত ফুল, কোথা এর তুল ?
তোমাতে ঘিরিয়া র'ব আমি কালো জল,
তরঙ্গের উর্ধ্বে র'বৈ তুমি শতদল,
পূজারীর পুষ্পাজলি সম । নিশিদিন

কাঁদিব ললাট হানি' তীরে তুষ্টিহীন।
তোমার মৃণাল-কাঁটা আমার পরানে
লুকায়ে রাবিব, যেন কেহ নাহি জানে।
.... কত কি যে কহিলাম অর্থহীন কথা,
শত যুগ-যুগান্তের অন্তহীন ব্যথা।

শুনিলে সে সব জাগি' বসিয়া শিয়রে,
বলিলে, “বন্ধু গো, হের দীপ পু'ড়ে মরে
তিলে তিলে আমাদের সাথে! আর নিশি
নাই বুঝি, দিবা এলে দূরে যাব মিশি' !
আমি শুধু নিশীথের ! যখন ধরণী
নীলিমা-মঞ্জুষা খুলি' হেরে মুকামণি
বিচিত্র নক্ষত্রমালা—চন্দ্র-দীপ জ্বালি',
একাকী পাপিয়া কাঁদে 'চোখ গেল' খালি,
আমি সেই নিশীথের !—আমি কই কথা,
যবে শুধু ফোটে ফুল, বিশ্ব তদ্রাহত।
হয়ত দিবা এসে নারিব চিনিতে,
তোমায়ে করিব হেলা, তব ব্যথা-গীতে
কেবলি পাইবে হাসি সবার স্মৃতি,
কাঁদিলে হাসিব আমি সরল কৌতুকে,
মুছাব না আঁখি-জল। বলিব সবায়,
'তুমি শান্তনের মেঘ—যথায় তথায়
কেবলি কাঁদিয়া ফের, কাঁদাই স্বভাব !'
আমি ত কেতকী নহি, আমার কি লাভ
ওই শাওনের জলে? কদম যুথীর
সখারে চাহি না আমি। শ্বেত-করবীর
সখি আমি। হেমন্তের সাক্ষ্য-কুহেলিতে
দাঁড়াই দিগন্তে আসি', নিরন্তর-সঙ্গীতে
ভ'রে ওঠে দশ দিক। আমি উদাসিনী।
মুসাফির ! তোমায়ে ত আমি নাহি চিনি !”

ডাকিয়া উঠিল পিক দূরে আশ্রবনে
মুহমুহ কুহকহু আকুল নিঃস্বনে।
কাঁদিয়া কহিনু আমি, “শুন, সখি শুন,

কাতরে ডাকিছে পাখী কেন পুনঃ পুনঃ !
চ'লে যাব কোন দূরে, স্বরণের পাখী
তাই বুঝি কেঁদে ওঠে হেন থাকি' থাকি'।
তোমারই কাজল আঁখি বেড়ায় উড়িয়া,
পাখী নয়—তব আঁখি ওই কোয়েলিয়া !”

হাসিয়া আমার বৃকে পড়িলে লুটায়,
বলিলে,—“পোড়ারমুখী আশ্রবনচ্ছায়ে
দিবাশি নিশি ডাকে, শূ'নে কান ঝালাপালা !
জানি না ত কুহ-বরে বৃকে ধরে জ্বালা !
উহার স্বভাব এই, তোমারি মতন
অকারণে গাহে গান, করে জ্বালাতন !
নিশি না পোহাতে বসি' ব্যাতায়ন-পাশে
হলুদ-চাঁপার ডালে, কেবলি বাতাসে
উহ উহ উহ করি' বেদনা জানায় !
বুঝিতে নারিনু আমি পাখী ও তোমায় !”
নয়নের জল মোর গেল তলাইয়া
বৃকের পায়ণ-তলে। উৎসারিত হিয়া
সহসা হারাল ধারা তত্ত মরু-মাঝে।
আপনারে অভিযাপি ক্ষমাহীন লাজে!
কহিনু, “কে তুমি নারী, এ কী তব খেলা ?
অকারণে কেন মোর ডুবাইলে ভেলা,
এ অশু-পাথারে একা দিলে ডাসাইয়া?
দু'হাতে আনোন্নি' জল কূলে দাঁড়াইয়া,
অকরণ্য, হাস আর দাও করতালি !
অদূরে নৌবতে বাজে ইমন-জুপালি
তোমার তোরণ-দ্বারে কাঁদিয়া কাঁদিয়া,
—তোমার বিবাহ বুঝি? ওই বাঁশুরিয়া
ডাকিছে বন্ধুরে তব ?” যুঝি' ঢেউ সনে
শুধানু পরান-পথে।..... তুমি আনমনে
বারেক পশ্চাতে চাহি' পড়িলে লুটায়
স্রোতজলে, সাঁতরিয়া আসি' মম পাশে
“আমিও ডুবিব সাথে” বলিয়া ভরাসে

জড়িয়ে ধরিলে মোরে বাহুর বন্ধনে !....
 হইলাম অচেতন !..... কিছু নাই মনে
 কেমনে উঠিনু কূলে !..... কবে সে কখন
 জড়াইয়া ধরেছিলে মালার মতন
 নিশীথে পাথর-জলে,— শুধু এইটুকু
 সুখ-স্মৃতি ব্যথা সম চির-জাগরুক
 রহিল বৃকের তলে !..... আর কিছু নাই !....
 তোমারে খুঁজিয়া ফিরি এ-কূলে বৃথাই,
 হে চির-রহস্যময়ী ! ও-কূলে দাঁড়ায়ে
 তেমনি হাসিছ তুমি সাক্ষ্য-বনজ্বায়ে
 চাহিয়া আমার মুখে ! তোমার নয়ন
 বলিছে সদাই যেন, 'দুবিয়া মরণ
 এবার হ'ল না, সখা ! আজো যায় সাধ
 বাঁচিতে ধরার 'পরে । স্বপনের চাঁদ
 হয়ত বা দিবে ধরা জাহ্নত এ-লোককে,
 হয়ত নামিবে তুমি অশ্রু হয়ে চোখে,
 আসিবে পথিক-বন্ধু হয়ে প্রিয়তম
 বৃকের রাখায় মোর— পুষ্পে গন্ধ সম !
 অঞ্জলি হইতে নামি' তোমার পূজার
 জড়াইয়া র'ব বক্ষে হয়ে কর্তৃহার !
 নিশিথের বুক-চেরা ভব সেই স্বপ্ন,
 সেই মুখ সেই চোখ করুণা-কাতর
 পদ্মা-তীরে-তীরে রাতে আজো খুঁজে ফিরি !
 কত নামে ডাকি তোমা,— "মহাশ্বেতা, শিরী",
 লায়লি, বকৌলি, তাজ, দেবী, নারী প্রিয়া !" —
 সাড়া নাহি মিলে কারো ! ফুলিয়া ফুলিয়া
 বয়ে যায় মেঘনার তরঙ্গ বিপুল,
 কখনো এ-কূল ডাক্সে কখনো ও-কূল ।

পার হতে নারি এই তরঙ্গের বাধা,
 ও যেন "এসো না" ব'লে পায়ে-ধ'রে-কাঁদা
 তোমার নয়ন- স্রোত ! ও যেন নিষেধ,
 বিধাতার অভিশাপ, অনন্ত বিচ্ছেদ,

স্বর্গ ও মর্ত্যের মাঝে যেন যবনিকা !....
 আমাদের ভাগ্যে বৃষ্টি চিররাত্রি লিখা !....
 নিশিথের চখা-চখী, দুই পারে থাকি'
 দুইজনে দুই জন ফিরি সদা ডাকি' ।
 কোথা তুমি ? তুমি কোথা ? যেন মনে লাগে,
 কত যুগ দেখি নাই ! কত জন্ম আগে
 তোমারে দেখেছি কোন্ নদীকূলে গেহে,
 জ্বাল দীপ বিষাদিণী ক্লান্ত শ্রান্ত দেহে !
 বারে বারে কাঁপে কর, কাঁপে দীপশিখা,
 আঁখির নিমিখ কাঁপে, আকাশ-দীপিকা
 কাঁপে তারারাজি—যেন আঁখি-পাতা ভব,—
 এইটুকু পড়ে মনে ! কবে অভিনব
 উঠিলে বিকশি' তুমি আপনার মাঝে,
 দেখি নাই ! দেখিব না—কত বিনা কাজে
 নিজেরে আড়াল করি' রাখিছ সতত
 অপ্রকাশ সুগোপন বেদনার মত ।
 আমি হেথা কূলে কূলে ফিরি আর কাঁদি,
 কুড়িয়ে পাব না কিছু? বৃকে যাহা বাঁধি'
 তোমার পরশ পাব—একটু সান্ত্বনা !
 চরণ-অলঙ্ক-রাজা দু'টি বালুকণা,
 একটি নৃপুত্র, দ্বান বেণী-খসা ফুল,
 কবরীর সোঁদা-ঘষা পরিমল-ধূল,
 আধখানি ভাঙা চুড়ি রেশমী কাচের,
 দলিত বিশুদ্ধ মালা নিশি-প্রভাতের,
 ভব হাতে লেখা মম প্রিয় ডাক-নাম
 লিখিয়া ছিড়িয়া-ফেলা আধখানি খাম,
 অঙ্গের সুরভি-মাখা ত্যক্ত তণ্ডু বাস,
 মহয়ার মদ সম মন্দির নিঃশ্বাস
 পূর্বের পরীস্থান হ'তে ভেসে-আসা,—
 কিছুই পাব না খুঁজি' ? কেবলি দুরাশা
 কাঁদিবে পুরান ঘিরি' ? নিরুদ্দেশ পানে
 কেবলি ভাসিয়া যাব শ্রান্ত ভাঁটি-টানে ?
 তুমি বসি' র'বে উর্ধ্বে মহিমা-শিখরে

নিষ্প্রাণ পাখাণ-দেবী ? কভু মোর তরে
নামিবে না প্রিয়া রূপে ধরার ধূলায় ?
লো কৌতুকময়ী ! শুধু কৌতুক-লীলায়
খেলিবে আমারে লয়ে ?—আর সবি ভুল ?
ভুল ক'রে ফুটেছিল আভিনায় ফুল ?
ভুল ক'রে বলেছিলে “সুন্দর” ? অমনি—
ঢেকেছে দু'হাতে মুখ তুরিতে তখনি ?
বুঝি কেহ শুনিয়েছে, দেখিয়েছে কেহ
ভাবিয়া আঁধার কোণে লীলায়িত দেহ
লুকাওনি সুখে লাজে ? কোন্ শাড়িখানি
পরেছিলে বাছি' বাছি' সে সন্ধ্যায় রানী ?

হয়ত ভুলেছ তুমি, আমি ভুলি নাই !
যত ভাবি ভুল তাহা— তত সে জড়াই
সে ভুলে সাপিনি সম বুকে ও গলায় !
বাসি লাগে ফুলমেলা !— ভুলের খেলায়
এবার সোঁয়াব সব, করিয়াছি পণ ।
হোক ভুল, হোক মিথ্যা, হোক এ স্বপন,
—এইবার আপনারে শূন্য রিত্ত করি'
দিয়া যাব মরণের আগে ! পাত্র ভরি'
ক'রে যাব সুন্দরের করে বিষপান ।
তোমারে অমর করি' করিব প্রয়াণ
মরণের তীর্থ-যাত্রী !

ওগো বন্ধু, প্রিয়,
এমনি করিয়া ভুল দিয়া ভুলাইও
বারে বারে জনো জনো গ্রহে গ্রহান্তরে !
ও-আঁখি-আলোক যেন ভুল ক'রে পড়ে
আমার আঁখির পরে । গোধূলি-লগনে
ভুল ক'রে হই বর, তুমি হও ক'নে
ক্ষণিকের লীলা লাগি' ! ক্ষণিক চমকি'
অশ্রুর শ্রাবণ-মেঘে হারাইও সখি !...

তুমি মোরে ভুলিয়াছ, তাই সত্য হোক !
নিশি-শেষে নিড়ে গেছে দীপালি-আলোক !

সুন্দর কঠিন তুমি পরশ-পাথর,
তোমার পরশ 'লভি' হইনু সুন্দর—
—তুমি তাহা জানিলে না !

..... সত্য হোক প্রিয়া

দীপালি জ্বলিয়াছিল— গিয়াছে নিভিয়া !

কলিকাতা

২০-৩-২৮

হিংসাতুর

হিংসাই শুধু দেখেছ এ চোখে ? দেখ নাই আর কিছু ?
সম্মুখে শুধু রহিলে তাকায়ে, চেয়ে' দেখিলে না পিছু !
সম্মুখ হতে আঘাত হানিয়া চ'লে গেল যে-পথিক
তার আঘাতেরি ব্যথা বুকে ধ'রে জাগে আজো অনিমিত্ত ?
তুমি বুঝিলে না, হায়,
কত অভিমানে বুকের বন্ধ ব্যথা হেনে চ'লে যায় !
আঘাত তাহার মনে আছে শুধু, মনে নাই অভিমান ?
তোমারে চাহিয়া কত নিশি জাগি' গাহিয়াছে কত গান ?
সে জেগেছে একা— তুমি ঘুমিয়েছ বেড়ুল আপন সুখে,
কাঁটার কুঞ্জে কাঁদিয়াছে বসি' সে আপন মনোদুখে,
কুসুম-শয়নে শুইয়া আজিকে পড়ে না সে-সব মনে,
তুমি ত জান না, কত বিষজ্বালা কণ্টক-দংশনে !

তুমি কি বুঝিবে বালা,

যে আঘাত করে বুকের প্রিয়ারে, তার বুকে কত জ্বালা !

ব্যথা যে দিয়াছে— সম্মুখে ভাসে নির্মূর তার কায়,
দেখিলে না তব পশ্চাতে তারি অশ্রু-কাতর ছায়া !.....
অপরাধ শুধু মনে আছে তার, মনে নাই কিছু আর ?
মনে নাই, তুমি দলেছ দু'পায়ে কবে কার ফুলহার !

কাঁদায়ে কাঁদিয়া সে রচেছে তার অশ্রুর গড়-খাই,
পার হতে তুমি পারিলে না তাহা, সে-ই অপরাধী তাই ?
সে-ই ভালো, তুমি চিরসুখী হও, একা সে-ই অপরাধী !
কি হবে জানিয়া, কেন পথে পথে মরুচায়ী ফেরে কাঁদি' !

হয়ত তোমারে করেছে আঘাত, তবুও শুধাই আজি,
আঘাতের পিছে আরো-কিছু কিগো ও-বুকে ওঠেনি বাজি'?
মনে তুমি আজ করিতে পার কি—তব অবহেলা দিয়া
কত সে কঠিন করিয়া তুলেছ তাহার কুসুম-হিয়া ?
মানুষ তাহারে করেছে পাষণ—সেই পাষণের ঘায়
মুরছায়ে তুমি পড়িতেছ ব'লে সেই অপরাধী, হায় ?
তাহারি সে অপরাধ—
যাহার আঘাতে ভাঙিয়া গিয়াছে তোমার মনের বাঁধ ।

কিন্তু কেন এ অভিযোগ আজি? সে ত গেছে সব ভুলে!
কেন তবে আর রুদ্ধ দুয়ার ঘা দিয়া দিতেছ খুলে'?
শুধু যে-মালা আজিও নিরালা যত্নে রেখেছে জ্বলি'
স্বরাগো না আর নাড়া দিয়ে তার পবিত্র ফুলগুলি ।
সেই অপরাধী, সেই অমানুষ, যত পার দাও গালি!
নিভেছে যে-ব্যথা দয়া ক'রে সেথা আগুন দিও না জ্বালি' !
“মানুষ” “মানুষ” শুনৈ শুনৈ নিতি কান হ'ল ঝালাপালা ।
তোমরা তারেই অমানুষ বল—পায়ে দল যার মালা !
তারি অপরাধ—যে তার প্রেম ও অশ্রুর অপমানে
আঘাত করিয়া টুটায় পাষণ অশ্রু-নিঝর আনে !

কবি অমানুষ—মানিলাম সব । তোমার দুয়ার ধরি'
কবি না মানুষ কেঁদেছিল খ্রিয় সেদিন নিশিখ ভরি'?
দেখেছ দীর্ঘ—পড়ে নাই চোখে সাগরের এত জল?
শুকালে সাগর—দেখিতেছ তার সাহারার মরুতল ।
হয়ত কবিই গেয়েছিল গান, সে কি শুধু কথা—সুর ?
কাঁদিয়াছিল যে—তোমারি মত সে মানুষ বেদনাভুর !

কবির কবিতা সে শুধু খেয়াল? তুমি বুঝিবে না, রানী,
কত জ্বাল দিলে উন্মের জলে ফোটে বুদ্ধ-বাণী !
তুমি কি বুঝিবে, কত ক্ষত হ'য়ে বেগুর বুকের হাড়ে
সুর ওঠে, হায় কত ব্যথা কাঁদে সুর-বাঁধা বীণা-তারে ।

সেদিন কবিই কেঁদেছিল শুধু? মানুষ কাঁদেনি সাথে ?
হিংসাই শুধু দেখেছ, দেখনি অশ্রু নয়ন-পাতে ?
আজো সে ফিরিছে হাসিয়া গাহিয়া ?—হায়, তুমি বুঝিবে না,
হাসির ফুর্তি উড়ায় যে—তার অশ্রুর কত দেনা !

বর্ষা-বিদায়

ওগো বাদলের পরী !
যাবে কোন্ দূরে, ঘাটে বাঁধা তব কেতকী পাতার তরী !
ওগো ও ক্ষণিকা, পূব-অভিসার ফুরাল কি আজি তব?
পহিলু ভাদরে পড়িয়াছে মনে কোন্ দেশ অভিনব?

তোমায় কপোল-পরশ না পেয়ে পাণ্ডুর কেয়া-রেণু,
তোমারে স্মরিয়া ভাদরের ভরা নদীতটে কাঁদে বেণু ।

কুমারীর ভীর্ণ বেদনা-বিধুর প্রণয়-অশ্রু সম
ঝরিছে শিশির-সিক্ত শেফালি নিশি-ভোরে অনুপম ।

ওগো ও কাজল-মেয়ে,
উদাস আকাশ ছলছল চোখে তব মুখে আছে চেয়ে' !
কাশফুল সম শূভ্র ধবল রাশ রাশ স্বেত মেঘে
তোমার তরীর উড়িতেছে পাল উদাস বাতাস লেগে' ।

ওগো ও জলের দেশের কন্যা ! তব ও বিদায়-পথে
কাননে কাননে কদম-কেশর ঝরিছে প্রভাত হ'তে ।
তোমার আদরে মুকুলিতা হয়ে উঠিল যে বল্লরী
তরুর কণ্ঠ জড়াইয়া তা'রা কাঁদে দিবানিশি ভরি' ।

'বৌ-কথা-কণ্ঠ' পাখী
উড়ে গেছে কোথা, বাতায়নে বৃথা বউ করে ডাকাডাকি ।
চাঁপার গেলাস গিয়াছে ভাঙিয়া, পিয়াসী মধুপ এসে'
কাঁদিয়া কখন গিয়াছে উড়িয়া কমল-কুমুদী-দেশে ।

তুমি চলে যাবে দূরে,
ভাদরের নদী দুকূল ছাপায়ে কাঁদে ছলছল সুরে,

যাবে যবে দূর হিম-গিরি-শিরে, ওগো বাদলের পরী,
ব্যথা ক'রে বুক উঠিবে না কভু সেথা কাহারেও স্মরি'?
সেথা নাই জল, কঠিন তুষার নির্মম শূভ্রতা,—
কে জানে কী ভাল বিধুর ব্যথা—না মধুর পবিত্রতা!

সেথা মহিমার উর্ধ্ব শিখরে নাই তরলতা হাসি,
সেথা রজনীর রজনীগন্ধা প্রভাতে হয় না বাসি।
সেথা যাও তব মুখের পায়ের বরষা-মুপূর খুলি',
চলিতে চকিতে চমকি 'উঠ না, কবরী ওঠে না দুলি'।
সেথা র'বে তুমি ধ্যান-মগ্না তাপসিনী অচপল,
তোমায় আশায় কাঁদিবে ধরায় তেমনি "ফটিক জল"।

সাজিয়াছি বর মৃত্যুর উৎসবে

দেখা দিলে রাজা মৃত্যুর রূপে এতদিনে কি গো রানী ?
মিলন-গোধূলি-লগনে শুনালে চির-বিদায়ের বাণী।

যে ধূলিতে ফুল ঝরায়ে পবন
রচিলে সেথায় বাসর-শয়ন,
বারেক কপালে রাখিয়া কপোল, ললাটে কাঁকন হানি'
দিলে মোর 'পরে সাক্ষর করি কৃষ্ণ কাফন টানি'।

নিশি না পোহাতে জাগায়ে বলিলে, 'হ'ল যে বিদায় বেলা!
তব ইঙ্গিতে ও-পার হইতে এপারে আসিল ভেলা।

আপনি সাজালে বিদায়ের বেশে
আঁখি-জল মম মুছাইলে হেসে,
বলিলে, 'অনেক হইয়াছে দেবী, আর জমিবে না খেলা !
সকলের বুকে পেয়েছ আদর, আমি দিনু অবহেলা !'

'চোখ গেল উহ চোখ গেল' ব'লে কাঁদিয়া উঠিল পাখী,
হাসিয়া বলিলে, 'বন্ধু, সত্যি চোখ গেল ওর না কি ?'

অকূল অশু-সাগর-বেলায়
শুধু বালু নিয়ে যে-জন খেলায়,
কি বলিব তারে, বিদায়-খনেও ভিজিল না যার আঁখি।
খসিয়া উঠিল নিশীথ সমীর, 'চোখ গেল' কাঁদে পাখী!

দেখিনু চাহিয়া ও মুখের পানে-নিরশ্রু নিষ্ঠুর।
বুকে চেপে কাঁদি, প্রিয় ওগো প্রিয়, কোথা তুমি কত দূর?
এত কাছে তুমি গলা জড়াইয়া
কেন হুহু ক'রে ওঠে তবু হিয়া,

কী যেন কী নাই কিসের অভাব এ বুকে ব্যথা-বিধুর।
চোখ-ভরা জল, বুকে-ভরা কথা, কণ্ঠে আসে না সুর।

হেনার মতন বক্ষে পিষিয়া করিনু তোমারে লাল,
ঢলিয়া পড়িলে দলিত কমল জড়ায়ে বাহ-মৃণাল।

কৈদে বলি, 'প্রিয়া, চোখে কই জল ?
হ'ল না ত মান চোখের কাজল !'
চোখে জল নাই—উঠিল রক্ত—সুন্দর কঙ্কাল!
বলিলে, 'বন্ধু, চোখেরই ত জল, সে কি রহে চিরকাল ?'

ছল ছল ছল কৈদে চলে জল, ভাঁটি-টানে ছুটে তরী,
সাপিনীর মত জড়াইয়া ধর শশীহীন শর্বরী।

কূলে কূলে ডাকে কে যেন, 'পথিক,
আজও রাজা হয়ে ওঠেনি ত দিক !
অভিমানী মোর। এখনি ছিঁড়িবে বাঁধন কেমন করি ?'
চোখে নাই জল—বক্ষের মোর ব্যথা ত যায়নি মরি !'
কেমনে বুঝাই—এত হাসি গাই তবু কাঁদে কেন হিয়া!

আছে তব বুকে করুণার ঠাই,
স্বর্গের দেবী—চোখে জল নাই!
কত জীবনের অভিশাপ এ যে, কতবার জনমিয়া—
পারিজাত-মালা ছুঁইতে শূকালে—হারাইলে দেখা দিয়া।

বার্ষ মোদের গোধূলি-লগন এই সে জনমে নহে,
বাসর-শয়নে হারায়ে তোমায় পেয়েছি চির-বিরহে!

কত সে লোকের কত নদনদী
পারায় চলেছি মোরা নিরবধি,
মোদের মাঝারে শত জনমের শত সে জলধি বহে।
বারে-বারে ভুবি বারে-বারে উঠি জন্ম-মৃত্যু-দহে !
বারে বারে মোরা পাষাণ হইয়া আপনারে ধাকি ভুলি,'
ক্ষণেকের তরে আসে কবে ঝড়, বন্ধন যায় খুলি'।

সহসা সে কোন্ সন্ধ্যায়, রানী,
চকিতে হয় গো চির-জানাজানি !
মনে প'ড়ে যায় অভিশাপ-বাণী, উ'ড়ে যায় বুলবুলি।
কৈদে কও, প্রিয়, হেথা নয়, হেথা লাগিয়াছে বহু ধূলি।'
মুছি' পথধূলি বুকে ল'বে ভুলি' মরণের পারে কবে,
সেই আশে, প্রিয়, সাজিয়াছি বর মৃত্যুর উৎসবে।

কে জানিত হায় মরণের মাঝে
এমন বিয়ের নহবত বাজে !
নব-জীবনের বাসর-দুয়ারে কবে 'প্রিয়া' 'বধু' হবে—
সেই সুখে, প্রিয়, সাজিয়াছি বর মৃত্যুর উৎসবে !

অপরাধ শুধু মনে থাক

মোর অপরাধ শুধু মনে থাক !
আমি হাসি, তার আশুনে আমারি
অন্তর হোক পুড়ে' থাক !
অপরাধ শুধু মনে থাক !
নিশীথের মোর অশ্রুর রেখা
প্রভাতে কপোলে যদি যায় দেখা,
তুমি পড়িও না সে গোপন লেখা,
গোপনে সে লেখা মুছে যাক !
অপরাধ শুধু মনে থাক !

এ উপহাস কলঙ্ক-উরা
তবু ঘুরে ফিরি' তোমারি এ ধরা,
লইয়া আপন দুখের পসরা
আপনি সে থাক ঘুরপাক !
অপরাধ শুধু মনে থাক !

জ্যোৎস্না তাহার তোমার ধরায়
যদি গো এতই বেদনা জাগায়,
তোমার বনের লতায় পাতায়
কালো মেঘে তার আলো ছা'ক !
অপরাধ শুধু মনে থাক !

তোমার পাখীর ডুলাইতে গান
আমি ত আসিনি, হানিনি ত বাণ,
আমি ত চাহিনি কোনো প্রতিদান,
এসে চলে গেছি নিরবাক !
অপরাধ শুধু মনে থাক !

কত তারা কাদে কত গ্রহে চেয়ে'
ছুটে দিশাহারা ব্যোমপথ বেয়ে;
তেমনি একাকী চলি গান গেয়ে'
তোমারে দিইনি পিছু-ডাক !
অপরাধ শুধু মনে থাক !

কত স্বরে ফুল, কত খসে তারা,
কত সে পাষাণে শূকায় ফোয়ারা,
কত নদী হয় আধ-পথে হারা,
তেমনি এ স্বৃতি লোপ পা'ক !
অপরাধ শুধু মনে থাক !

আভিনায় তুমি ফুটেছিলে ফুল
এ দূর পবন করেছিল ডুল,
স্বাস ফেলে চ'লে যাবে সে আকুল—
তব শাখে পাখী গান গা'ক !
অপরাধ শুধু মনে থাক !

প্রিয়, মোর প্রিয়, মোরই অপরাধ,
কেন জেগেছিল এত আশা সাধ !
যত ভালোবাসা, তত পরমান,
কেন ছুঁইলাম ফুল-শাখা !
অপরাধ শুধু মনে থাক !

আলোয়ার মত নিভি, পুনঃ জ্বলি,
তুমি এসেছিলে শুধু কুতূহলী,
আলোয়াও কাদে কারো পিছে চলি'—
এ কাহিনী নব মুছে যাক !
অপরাধ শুধু মনে থাক !

আড়াল

আমি কি আড়াল করিয়া রেখেছি তব বন্ধুর মুখ?
না জানিয়া আমি না জানি কতই দিয়াছি তোমায় দুখ।

তোমার কাননে দখিনা পবন
এনেছিল ফুল পূজা-আয়োজন,

আমি এন্ড ঝড় বিধাতার ভুল—ভুল করি' সব,
আমার অশ্রু মেঘে ভেসে গেল তব ফুল-উৎসব!
মন উৎপাতে হিঁড়েছে কি প্রিয়, বন্ধুর মণিহার?
আমি কি এসেছি তব মন্দিরে দস্যু ভাঙিয়া দ্বার?

আমি কি তোমার দেবতা-পূজার
ছড়ায়ে ফেলেছি ফুল-সম্ভার?

আমি কি তোমার স্বর্গে এসেছি মর্ত্যের অভিশাপ?
আমি কি তোমার চন্দের বুকে কালো কলঙ্ক-ছাপ?
ভুল ক'রে যদি এসে থাকি ঝড়, ভিড়িয়া থাকি মুকুল,
আমার বরষা ফুটায়ছে তার অনেক অধিক ফুল!

পরায়ে কাজল ঘন বেদনার
ভাগর করেছি নয়ন তোমার,
কূলের আশায় ভাঙিয়া করেছি সাত সাগরের রানী,
সে দিয়াছে মালা, আমি সাজিয়েছি নিখিল সুঘমা ছানি'
দস্যুর মত হয়ত খুলেছি লাজ-অবগুঠন,
তব ভরে আমি দস্যু, করেছি জিহ্বন গুঠন।

তুমি ত জান না, নিখিল বিশ্ব
কার প্রিয়া লাগি' আজিকে নিঃস্ব?

কার বনে ফুল ফোটার লাগি' ঢালিয়াছি এত নীর,
কার রাজ্য পায় সাগর বাধিয়া করিয়াছি মঞ্জীর।
তুমি না চাহিতে আসিয়াছি আমি—সত্য কি এইটুকু?
ফুল ফোটা-শেষে ঝরিবার লাগি' ছিলে না কি উৎসুক?

নির্মম-প্রিয়-নিষ্ঠুর হাতে
মরিতে চাহনি আঘাতে আঘাতে?

তুমি কি চাহনি মিলনের মাঝে নিবিড় পীড়ন-জ্বালা?
তুমি কি চাহনি কেহ এসে তব হিঁড়ে' দেয় গাথা-মালা?
পাষাণের মত চাপিয়া থাকিনি তোমার উৎস-মুখে,
আমি শুধু এসে মুক্তি দিয়াছি আঘাত হানিয়া বুকে!

তোমার স্রোতেরে মুক্তি দানিয়া
স্রোতমুখে আমি গেলাম ভাসিয়া।

রহিবার যে—সে রয়ে গেল কূলে, সে রচুক সেথা নীড়!
মম অপরাধে তব স্রোত হ'ল পূর্ণা জীর্ধ-নীর!
রূপের দেশের স্বপন-কুমার স্বপনে আসিয়াছিল,
বন্দিনী! মম সোনার ছোঁয়ায় তব ঘুম ভাঙাইনু।

দেখ মোরে পাছে ঘুম ভাঙিয়াই,
ঘুম না টুটিতে তাই চ'লে যাই,

যে আসিল তব জাগরণ-শেষে মালা তাও তারি গলে,
সে থাকুক তব বক্ষে—রহিব আমি অন্তর-তলে।
সন্ধ্যা-প্রদীপ জ্বালায়ে যখন দাঁড়ায়ে আঙিনা-মাঝে,
শুনিও কোথায় কোন্ তারা-লোকে কার ক্রন্দন বাজে।

আমার তারার মলিন আলোকে
দ্রান হয়ে যাবে দীপশিখা চোখে,

হয়ত অদূরে গাহিবে পখিক আমারি রচিত গীতি—
যে গান গাহিয়া অভিমান তব ভাঙাতাম সাঁঝে নিতি।
গোধূলি-বেলায় ফুটিবে উঠানে সন্ধ্যা-মণির ফুল,
তুলসী-তলায় করিতে প্রণাম খুলে যাবে বাঁধা চুল।

কুন্তল-মেঘ-ফাঁকে অবিরল

অকারণে চোখে বারিবে গো জল,
সারা শরীরী বাতায়নে বসি' নয়ন-প্রদীপ জ্বালি'
ঝুঁজিবে আকাশে কোন্ তারা কাঁপে তোমারে চাহিয়া খালি।
নিষ্ঠুর আমি—আমি অভিশাপ, ভুলিতে দিব না, তাই
নিঃস্বাস মম তোমারে ঘিরিয়া শ্বসিবে সর্বদাই।

তোমারে চাহিয়া রচিনু যে গান
কণ্ঠে কণ্ঠে লভিবে তা প্রাণ,
আমার কণ্ঠ হইবে নীরব, নিখিল-কণ্ঠ-মাঝে
শুনিবে আমারি সেই ক্রন্দন সে গান প্রভাতে সাঁঝে।

নদীপারের মেয়ে

নদীপারের মেয়ে।

ভাসাই আমার গানের কমল তোমার পানে চেয়ে।

আলতা-রাজা পা দু'খানি ছুপিয়ে নদী-জলে
ঘাটে বসে' চেয়ে' আছ আঁধার অন্তাচলে।
নিরুদ্ধে ভাসিয়ে-দেওয়া আমার কমলখানি

ছোঁয় কি গিয়ে নিত্য সাঁখে তোমার চরণ, রানী ?

নদীপারের মেয়ে !

গানের গাঙে খুঁজি তোমায় সুবের তরী বেয়ে' ।
ঝোঁপায় গুঁজে কনক-চাঁপা, গলায় টগর-মালা,
হেনার গুঁহি-হাতে বেড়াও নদীকূলে বালা ।
শুনতে কি পাও আমার তরীর তোমায়-চাওয়া গীতি?
জান হয়ে কি যায় ও-চোখে চতুর্দশীর তিথি ?

নদীপারের মেয়ে !

আমার ব্যথায় মালাঞ্চ ফুল ফোটে তোমায় চেয়ে' ।

শীতল নীরে নেয়ে ভোরে ফুলের সাজি হাতে,
রাঙা উষার রাঙা সতীন দাঁড়াও অভিনাতে ।
তোমার মন্দির স্বাসে কি মোর গুলের সুবাস মেশে?
আমার বনের কুসুম তুলি' পর কি আর কেশে?

নদীপারের মেয়ে !

আমার কমল অভিমানের কাঁটায় আছে ছেয়ে' ।

তোমার সখায় পূজি কি মোর গানের কমল তুলি'?
তুলতে সে-ফুল মুণাল-কাঁটায় বেঁধে কি অঙ্গুলি?
ফুলের বকে দোলে কাঁটার অভিমানের মালা,
আমার কাঁটার ঘায়ে বোঝ আমার বকের জ্বালা?

১৪০০ সাল

[কবি-সম্রাট রবীন্দ্রনাথের 'আজি হ'তে শতবর্ষ পরে' পড়িয়া]

আজি হতে শত বর্ষ আগে !

কে কবি, স্বরণ ভূমি ক'রেছিলে আমাদের শত অনুরাগে,
আজি হ'তে শত বর্ষ আগে।

ধেয়ানী গো, রহস্য-দুলাল!

উতারি' ঘোমটাখানি তোমার আঁখির আগে
কবে এল সুদূর আড়াল?

অনাগত আমাদের দর্শন-দুয়ারী
বাতায়ন খুলি' তুমি, হে গোপন হে স্বপন-চারী,
এসেছিলে বসন্তের গন্ধবহু-সাথে,
শত বর্ষ পরে যথা তোমার কবিতাখানি পড়িতেছি রাতে !
নেহারিলে বেদনা-উজ্জ্বল আঁখি-বীরে,
আনন্মনা প্রজাপতি নীরব পাখায়
উদাসীন, গেলে ঘীরে ফিরে।

আজি মোরা শত বর্ষ পরে

যৌবনা-বেদন-রাঙা তোমার কবিতাখানি
পড়িতেছি অনুরাগ-ভরে ।।

জড়িত আগর ঘূমে শিথিল শয়নে
শুনিতেছে প্রিয়া মোর তোমার ইস্তিত-গান সজল নয়নে ।

আজো হায়

বারে বারে খুলে যায়

দক্ষিণের রুদ্ধ বাতায়ন,

গুমরি' গুমরি' কাদে উচাটন বসন্ত-পবন

মনে মনে বনে বনে পল্লব-মর্মরে,

কবরীর অশ্রু জল বেগী-বসা ফুল-দল পড়ে ঝ'রে ঝ'রে !

ঝিরিঝিরি কাঁপে কালো নয়ন-পল্লব,
মধুপের মুখ হ'তে কাড়িয়া মধুপী পিয়ে পরাগ-আসব!
কপোতের চঞ্চুপুটে কপোতীর হারায় কুজন,
পরিয়াছে বনবধু যৌবন-আরক্তিম কিংশুক-বসন।
রহিয়া রহিয়া আজো ধরণীর হিয়া
সমীর-উচ্ছ্বাসে যেন ওঠে নিঃশ্বাসিয়া !

তোমা হ'তে শত বর্ষ পরে—

তোমার কবিতাখানি পড়িতেছি,

হে কবীন্দ্র, অনুরাগ-ভরে ।

আজি এই মদালসা ফাগুন-নিশীথে

তোমার ইস্তিত জাগে তোমার সঙ্গীতে ।

চতুরালি, ধরিয়াছি তোমার চাতুরী।

করি' ছুরি

আসিয়াছ আমাদের দুরন্ত যৌবনে,
কাব্য হ'য়ে, গান হ'য়ে, সিন্ধুকণ্ঠে রঙ্গীলা স্বপনে ।
আজিকার যত ফুল—বিহঙ্গের যত গান যত রক্ত-রাগ
তব অনুরাগ হ'তে, হে চির-কিশোর কবি,
অনিয়াছে ভাগ!

আজি নব-বসন্তের প্রভাত-বেলায়
গান হ'য়ে মাতিয়াছ আমাদের যৌবন-মেলায় ।

আনন্দ-দুলাল ওগো হে চির অমর !
তরুণ তরুণী মোরা জাগিতেছি আজি তব মাধবী বাসর।
যত গান গাহিয়াছ ফুল-ফোটা রাতে—

সবগুলি তার
একবার—জা' পর আবার
প্রিয়া গাহে, আমি গাহি, আমি গাহি প্রিয়া গাহে সাথে ।
গান-শেষে অর্ধরাতে স্বপনেতে শুনি
কাদে প্রিয়া, “ওগো কবি ওগো বন্ধু ওগো মোর গুলী—”
স্বপ্ন যায় থামি,
দেখি, বন্ধু, আসিয়াছ প্রিয়ার নয়ন-পাতে অশ্রু হ'য়ে নামি ।
মনে লাগে, শত বর্ষ আগে
তুমি জাগো—তব সাথে আরো কেহ জাগে
দূরে কোন্ ঝিলিমিলি-তলে
লুপিত অঞ্চলে!

তোমার ইঙ্গিতখানি সঙ্গীতের করুণ পাখায়
উড়ে যেতে যেতে সেই বাতায়নে ক্ষণিক তাকায়,
ছুঁয়ে যায় আঁখি-জল-রেখা,
নুয়ে যায় অলক-কুসুম,
তারপর যায় হারাইয়া,—তুমি একা বসিয়া নিঃশব্দ !
সে কাহার আঁখিনীর-শিশির লাগিয়া,
মুকুলিকা বাণী তব কোনটি বা ওঠে মুঞ্জরিয়া,
কোনটি বা তখনো গুঞ্জরি' ফেরে মনে
গোপনে স্বপনে!

সহসা খুলিয়া গেল দ্বার,
আজিকার বসন্ত-প্রভাতখানি দাঁড়াল করিয়া নমস্কার !

শতবর্ষ আগেকার তোমারি সে বাসন্তিকা দূতী
আজি নব নবীনেরে জানায় আকৃতি !....
হে কবি-শাহান-শাহ ! তোমারে দেখিনি মোরা,
সৃজিয়াছ যে তাজমহল—
শ্বেতচন্দনের ফোঁটা কালের কপালে ঝলমল—
বিশ্বয়-বিমুক্ত মোরা তাই শুধু হেরি,
যৌবনেরে অভিষাপি—“কেন তুই শতবর্ষ করিলি রে দেবী
হায়, মোরা আজ
মোমতাজে দেখিনি, শুধু দেখিতেছি তাজ !

শত বর্ষ পরে আজি, হে কবি-সম্রাট !
এসেছে নূতন কবি—করিতেছে তব নামীপাঠ !
উদয়ান্ত জুড়ি' আজো তব
কত না বন্দনা-স্বক ধানিয়া উঠিছে নব নব ।
তোমারি সে হারা-সুরখানি
নববেণু-কুঞ্জ-ছায়ে বিকশিয়া তোলে নব বাণী ।

আজি তব বরে
শত বেণু-বীণা বাজে আমাদের ঘরে ।
তবুও পুরে না হিয়া ভরে না ক' প্রাণ,
শতবর্ষ সাতরিয়া ভেসে আসে স্বপ্নে তব গান ।
মনে হয়, কবি,
আজো আছ অতপট আলো করি' আমাদেরি রবি!
আজি হ'তে শত বর্ষ আগে
যে-অভিবাদন তুমি করেছিলে নবীনের রাজা অনুরাগে,
সে-অভিবাদনখানি আজি ফিরে চলে
প্রণামী-কমল হ'য়ে তব পদতলে!

মনে হয়, আসিয়াছ অপূর্ণের রূপে
ওগো পূর্ণ, আমাদেরি মাঝে চুপে চুপে !
আজি এই অপূর্ণের কস্তুর কণ্ঠস্বরে
তোমারি বসন্তগান গাহি তব বসন্ত-বাসরে—
তোমা হ'তে শত বর্ষ পরে !

চক্রবাক

এপার ওপার জুড়িয়া অন্ধকার
মধ্যে অকুল রহস্য-পারাবার,
তারি এই কূলে নিশি নিশি কাঁদে জাগি'
চক্রবাক সে চক্রবাকীর লাগি'।

ভূলে যাওয়া কোন্ জন্মান্তর পারে
কোন্ সুখ-দিনে এই সে নদীর ধারে
পেয়েছিল জায়ে সারা দিবসের সাথী,
তারপর এল বিরহের চির-রাতি,—
আজিও তাহার বুকের ব্যথার কাছে,
সেই সে স্মৃতির পালক পড়িয়া আছে!

কেটে গেল দিন, রাত্রি কাটে না আর,
দেখা নাহি যায় অতি দূর ঐ পার।
এপারে ওপারে জনম জনম বাধা,
অকূলে চাহিয়া কাঁদিছে কূলের রাধা।

এই বিরহের বিপুল শূন্য ভরি'
কাঁদিছে বাঁশরী সুরের ছলনা করি'!
আমরা শুনাই সেই বাঁশরীর সুর,
কাঁদি—সাথে কাঁদে নিখিল ব্যথা-বিধুর।
কত তের নদী সাত সমুদ্র পার
কোন্ লোকে কোন্ দেশে গ্রহ-তারকার
সৃজন-দিনের প্রিয়া কাঁদে বন্দিনী,
দশদিশি ঘিরি' নিষেধের নিশীথিনী।

এ পারে বুথাই বিশ্বরণের কূলে
খোঁজে সাথী তার, কেবলি সে পথ জুলে।
কত পায় বুক কত সে হারায় তবু—
পায়নি যাহারে ভোলেনি তাহারে কভু।

তাহারি লাগিয়া শত সুরে শত গানে
কাব্যে, কথায়, চিত্রে, জড় পাষণে,

লিখিছে তাহার অমর অশ্রু-লেখা।
নিরঙ্ক মেঘ বাদলে ডাকিছে কেবা!
আমাদের পটে তাহারি প্রতিচ্ছবি,
সে গান শুনাই—আমরা শিল্পী কবি।

এই বেদনার নিশীথ-তমসা-তীরে
বিরহী চক্রবাক খুঁজে খুঁজে ফিরে
কোথা প্রভাতের সূর্যোদয়ের সাথে
ডাকে সাথী তার মিলনের মোহানাতে।

আমরা শিশির, আমাদের আঁখি-জলে
সেই সে আশার রাজা রামধনু বলে।

কুহেলিকা

তোমরা আমায় দেখতে কি পাও আমার গানের নদী-পারে ?
নিত্য কুহেলিকা আঁড়াল করি আপনারে।
সবাই যখন মত্ত হৈথায় পানি ক'রে মোর সুরের সুরা
সব-চেয়ে মোর আপন যে জন সে-ই কাঁদে গো তৃষ্ণাতুরা।
আমার বাদল-মেঘের জলে ভরল নদী সগু পাথার,
ফটিক-জলের কণ্ঠে কাঁদে তৃষ্ণি-হার। সেই হাহাকার !
হায় রে, চাঁদের জ্যোৎস্না-ধারায় তন্দ্রাহারা বিশ্ব-নিখিল,
কলঙ্ক তার নেয় না গো কেউ, রইল জুড়ে চাঁদেরি দিল !

More Pdf Books Download:

MyMahbub.com